



Hieronymus honestis parentibus natus, & à pueris in omni genere literarum & uirtutum educatus fuit. Is cum foelici ingenio esset præditus, uarias Academias accessit, & artium ac linguarum sibi magnum usum cõparauit. Postea quoq; Iurisprudentiæ strenuam operam nauauit, & in ea facultate Doctoralia insignia impetrauit. Erat is facundia naturali insignis, præterea rebus expediendis promptissimus. Id cum princeps Vuirtenbergicus Christopherus intellexisset, Hieronymum in suum consilium adoptauit, atq; Procancellarium constituit. Eam functionem is optimè administrauit, atq; ut omnia domi forisq; ritè peragerentur, cum Io-

hanne Feslero Cancellario uiro clarissimo, sui principis nomine diligenter curauit. Hisce uirtutibus Hieronymus exornatus etiamnum pergit, & effecit, ut meritò claris Germaniæ uiris connumeraretur. Anonymos,